

სსიპ - გორის სახელმწიფო სასწავლო უნივერსიტეტი



კომპიუტერული მოწყობილობების ტექნიკური მომსახურებისა და შეკეთების შესყიდვის
გამარტივებული ელექტრონული ტენდერი

CPV – 50312000

ს ა ტ ე ნ დ ე რ ო დ ო კ უ მ ე ნ ტ ა ც ი ა

ქ. გორი
2015 წელი

სარჩევი

1. ტექნიკური დოკუმენტაცია-----	3-4
2. სახელმწიფო შესყიდვის ხელშეკრულების პროექტი-----	5-7
3. დამატებითი ინფორმაცია-----	8
4. დანართი №1 რეკვიზიტები-----	9
5. დანართი №2 ფასების ცხრილი -----	10
6. დანართი №3 საქონლის ტექნიკური პარამეტრები -----	11-12
7. დანართი №4 - აფიდავიტი -----	13

1. ტექნიკური დოკუმენტაცია

1.1. როგორც იურიდიული ასევე ფიზიკური პირებისათვის:

- ა) რეკვიზიტები დანართი №1 მიხედვით
- ბ) ფასების ცხრილი №2 დანართის მიხედვით
- გ) საქონლის ტექნიკური პარამეტრები დანართი №3 მიხედვით.

1.2 ანგარიშსწორების პირობები:

- 1.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 1.2.2 ანგარიშსწორება მოხდება უნაღდო ანგარიშსწორებით ლარში.
- 1.2.3. შესრულებული მომსახურების ანაზღაურება მოხდება მომსახურების დამთავრების შემდეგ.
- 1.2.4 დაფინანსების წყარო - 2015 წლის სსიპ გორის სახელმწიფო სასწავლო უნივერსიტეტის ეკონომიკური შემოსავლები.
- 1.2. 5 ანგარიშსწორება განხორციელდება შესყიდვის ობიექტის მიღების თაობაზე, მიღება ჩაბარების აქტის გაფორმებიდან **15 კალენდარული დღის ვადაში**.
- 1.2.6 წინასწარი ანგარიშსწორება არ გამოიყენება.
- 1.2.7 შესყიდვის ობიექტის ტექნიკური პარამეტრები: იხილეთ დანართი №3

1.3. შესყიდვის ობიექტის ტექნიკური დავალება:

- 1.3.1 სსიპ გორის სახელმწიფო სასწავლო უნივერსიტეტის ბალანსზე რიცხული ტექნიკის შეკეთება საჭიროების შესაბამისად:
 - 1. პერსონალური კომპიუტერები
 - 2. ნოუტბუქები
 - 3. პრინტერები
 - 4. ქსეროქსები
 - 5. ქსეროქს- პრინტერები
 - 6. პროექტორები
 - 7. აგრეთვე გასამრავლებელი საშუალებების კარტრიჯების განახლება.

1.4. ტექნიკური მომსახურება და შეკეთება- რემონტი.

- 1.4.1 აპარატურის შეკეთებისა და ტექნიკური მომსახურების შესყიდვის გამარტივებულ ტენდერის- სავარაუდო სატენდერო ღირებულება შეადგენს **8 000 (რვა ათასი)** ლარს.
- 1.4.2 პრეტენდენტმა უნდა წარმოადგინოს კომპიუტერული აპარატურის შეკეთებისა და ტექნიკური მომსახურების ფასების ცხრილი დანართი №3- ის მიხედვით.
- 1.4.3 პრედენდენტის მიერ წარმოდგენილ ფასების ცხრილში ერთეულის ფასი მოცემული და განფასებული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებულ ყველა გადასახადისა და აპარატურის შეკეთება-განახლებისათვის საჭირო მასალებისა და ნაწილების ღირებულების გათვალისწინებით;
- 1.4.4 ტექნიკური მომსახურების გაწევის ძირითადი მახასიათებელია, კომპიუტერული ტექნიკის ოპერატიული შეკეთება და კარტრიჯების განახლება მიმწოდებლის რესურსით;
- 1.4.5 აპარატურის შეკეთება და ტექნიკური მომსახურება გულისხმობს ყველა სახის სამუშაოებს კომპიუტერებისა და გასამრავლებელი საშუალებების შეუფერხებელი ფუნქციონირების უზრუნველყოფის თვალსაზრისით;
- 1.4.6 გასაწევი მომსახურების ხარისხი უნდა შეესაბამებოდეს მსგავსი მომსახურებისათვის დადგენილ სტანდარტს;

1.4.7 გაწეული მომსახურების შემოწმებას და მიღება-ჩაბარებას განახორციელებს შემსყიდველის მხრიდან უფლებამოსილი პირი, რომელსაც ნებისმიერ დროს შეუძლია მომსახურების ხარისხის ინსპექტირება.

2. მომსახურების გაწევის ვადები და ადგილი:

2.1 მომსახურების გაწევა უნდა განხორციელდეს ეტაპობრივად, საჭიროებისამებრ, შემსყიდველის მოთხოვნის შესაბამისად, ხელშეკრულების დადებიდან **2015 წლის 31 დეკემბრის ჩათვლით**.

აუცილებელი პირობა

- ტექნიკური მომსახურების ობიექტი უნდა მდებარეობდეს ქ. გორში /პრეტენდენტის იურიდიული და ფაქტიური მისამართი უნდა იყოს გორი/
- ტენდერში მონაწილე პრეტენდენტმა უნდა წარმოადგინოს ინფორმაცია ქალაქ გორის ტერიტორიაზე განთავსებული ორგანიზაციებისა და დაწესებულებების არანაკლებ ხუთი მსგავსი სახის მომსახურების გაწევის შესახებ; აღნიშნულის დასტურად პრეტენდენტმა სისტემაში უნდა ატვირთოს შესაბამისი ხელშეკრულებები და მიღება-ჩაბარების აქტები.
- აპარატურის შეკეთება და ტექნიკური მომსახურება გულისხმობს, კომპიუტერებისა და გასამრავლებელი საშუალებების მუშა მდგომარეობაში მოსაყვანად საჭირო ყველა სახის მასალებით „შემსყიდველს“ უზრუნველყოფს „მიმწოდებელი“.
- მომსახურების მიღებას მიმწოდებელი უზრუნველყოფს მისამარზე ქ. გორი, ი. ჭავჭავაძის №53

სახელმწიფო შესყიდვის შესახებ ხელშეკრულების პროექტი

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

ქ. გორი

----- 2015 წ.

ერთი მხრივ, სსიპ - გორის სახელმწიფო სასწავლო უნივერსიტეტი (შემდგომში „შემსყიდველი“) წარმოდგენილი მისი ადმინისტრაციის ხელმძღვანელის გიორგი ხორბალაძის სახით და მეორე ----- (შემდგომში „მიმწოდებელი“) წარმოდგენილი ----- სახით, სახელმწიფო შესყიდვების შესახებ საქართველოს კანონმდებლობით გათვალისწინებული მოთხოვნების დაცვით, გამარტივებული ელექტრონული ტენდერის (სატენდერო განცხადების ნომერი SPA-----) საშუალებით, ვდებთ სახელმწიფო შესყიდვის შესახებ წინამდებარე ხელშეკრულებას.

1. ტერმინთა განმარტება

1.1 „ხელშეკრულება სახელმწიფო შესყიდვის შესახებ“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე, მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „შემსყიდველი“ - ორგანიზაცია, რომელიც ახორციელებს შესყიდვას;

1.4 „მიმწოდებელი“ - პირი, რომელიც ახორციელებს შესყიდვის საგნის მიწოდებას მოცემული ხელშეკრულების ფარგლებში.

1.5 „დღე, კვირა, თვე“ - კალენდარული დღე, კვირა, თვე.

1.6 „ფორს - მაჟორი“ - მოცემულ შემთხვევაში აუცდენელი დაუძლეველი ძალა, რომელიც დგება მხარეთა ნებისგან დამოუკიდებლად და ატარებს წინასწარ გაუთვალისწინებელ ხასიათს, კერძოდ მიწისძვრა, წყალდიდობა, ხანძარი, ომი, რევოლუცია, აჯანყება, იმპროტისა და ექსპორტის აკრძალვა, აგრეთვე სხვა გარემოება, რომელიც შეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

1.7 „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

2.1 ხელშეკრულების საგანია: შემსყიდველის მიერ, სსიპ - გორის სახელმწიფო სასწავლო უნივერსიტეტისათვის, **აპარატურის შეკეთებისა და ტექნიკური მომსახურების (CPV: 50300000)** შესყიდვა ამ ხელშეკრულებით გათვალისწინებული ანაზღაურების საწარმოოდ.

2.2 ხელშეკრულებით გათვალისწინებული მომსახურების აღწერა და ტექნიკური პარამეტრები მოცემულია დანართი N1-ში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1 ხელშეკრულების საგნის საერთო ღირებულება შეადგენს -----ლარს.

3.2 ხელშეკრულების საგნის საერთო ღირებულება მოიცავს მიმწოდებლის მიერ მომსახურების გაწევასთან დაკავშირებულ ყველა ხარჯს და საქართველოს კანონმდებლობით გათვალისწინებულ ყველა სახის გადასახადსა და მოსაკრებელს.

4. მიღება - ჩაბარება და ანგარიშსწორება

4.1 შესყიდვის ობიექტი ჩაითვლება მიღებულად მხოლოდ მიღება - ჩაბარების აქტის გაფორმების შემდეგ.

4.2 შესყიდვის ობიექტის მიწოდების პარალელურად, მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის (სასაქონლო ზედნადები ან ანგარიშ-ფაქტურა).

4.3 მიმწოდებელთან ანგარიშსწორება მოხდება ეტაპობრივად, ფაქტიურად გაწეული მომსახურების ღირებულების შესაბამისად.

4.4 ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში მიმწოდებლის მიერ მიღება-ჩაბარების აქტის გაფორმებიდან და წინამდებარე ხელშეკრულების 4.2 მუხლში მითითებული დოკუმენტაციის წარმოდგენიდან 15 (თხუთმეტი) კალენდარული დღის ვადაში.

5. შესყიდვის ობიექტის მიწოდების ადგილი და ვადა

5.1 მიმწოდებელი შესყიდვის ობიექტის მიწოდებას უზრუნველყოფს ხელშეკრულების ხელისმოწერის დღიდან, ეტაპობრივად, **2015 წლის 31 დეკემბრის ჩათვლით**, შემსყიდველის მისამართზე (ქ. გორი, ჭავჭავაძის ქ. N53).

5.2 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

6. მხარეთა უფლება-მოვალეობანი

6.1 შემსყიდველი უფლებამოსილია:

6.1.1 საქართველოს კანონმდებლობის შესაბამისად, შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება; აგრეთვე, საქართველოს კანონმდებლობით გათვალისწინებულ სხვა შემთხვევებში;

6.1.2 აწარმოოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

6.2 შემსყიდველი ვალდებულია:

6.2.1 მოახდინოს ანგარიშვორება მიმწოდებელთან წინამდებარე ხელშეკრულების მე-4 მუხლით გათვალისწინებული პირობებით;

6.3 მიმწოდებელი უფლებამოსილია:

6.3.1 გაეწესოს მომსახურებაზე მიიღოს ანაზღაურება ხელშეკრულებით გათვალისწინებული პირობებით;

6.4 მიმწოდებელი ვალდებულია:

6.4.1 გაუწიოს შემსყიდველს ხარისხიანი მომსახურება;

6.4.2 მიაწოდოს შემსყიდველს ხელშეკრულებით გათვალისწინებული შესყიდვის ობიექტი ეტაპობრივად, შემსყიდველის მოთხოვნის შესაბამისად;

6.4.3 საკუთარი რესურსებით უზრუნველყოს შემსყიდველი ინსპექტირების ჩატარებისთვის აუცილებელი პერსონალით, ტექნიკური საშუალებით და სხვა სამუშაო პირობებით.

7. ხელშეკრულების ინსპექტირების პირობები

7.1 ხელშეკრულების ინსპექტირებას შემსყიდველის მხრიდან განახორციელებს სსიპ - გორის სახელმწიფო სასწავლო უნივერსიტეტის -----.

7.2 ინსპექტირება გულისხმობს მიმწოდებლის მიერ მისაწოდებელი ან/და მიწოდებული შესყიდვის ობიექტის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენას.

7.3 მიმწოდებელი ვალდებულია, უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით. შემსყიდველის ინიციატივით, ინსპექტირების მიზნით გამოყენებული საკუთარი ან მოწვეული პერსონალის შრომის ანაზღაურებას უზრუნველყოფს შემსყიდველი.

7.4 ნებისმიერი ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. შესყიდვის ობიექტის ხარისხი და გარანტია

8.1. მიმწოდებელი იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

9. ფორს - მაჟორი

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია ფორს - მაჟორით.

9.2 თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. პირგასამტეხლო

10.1 ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 10%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე, ხელშეკრულების საერთო ღირებულების 0,1%-ის ოდენობით.

10.2 იმ შემთხვევაში, თუ დაკისრებული პირგასამტეხლოს ოდენობა გადააჭარბებს ხელშეკრულების საერთო ღირებულების 10 (ათი) პროცენტს, შემსყიდველი უფლებამოსილია შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.3 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულებაში ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.4 ხელშეკრულება შეიძლება შეწყდეს:

- ა) მხარეთა ინიციატივით, ურთიერთშეთანხმების საფუძველზე;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) თუ მიმწოდებლის მიმართ დაიწყება გაკოტრების საქმის წარმოება;
- დ) თუ ცნობილი გახდა, რომ მიმწოდებლის მიერ ტექნიკური დავალების შესაბამისად წარმოდგენილი მონაცემების დამადასტურებელი დოკუმენტები ყალბია;
- ე) საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების პირობების გადასინჯვის შესაძლებლობა

12.1. წინამდებარე ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12.2. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13. დავების გადაწყვეტა

13.1 ხელშეკრულებიდან გამომდინარე ყველა დავა გადაიჭრება ურთიერთშეთანხმებით.

13.2 შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. შეტყობინება

14.1 ხელშეკრულებიდან გამომდინარე ნებისმიერი შეტყობინება უნდა გაიგზავნოს წერილის სახით ან ფაქსის/ელექტრონული ფოსტის მეშვეობით ორიგინალის შემდგომში წარმოდგენით.

14.2 შეტყობინება ძალაში შედის ადრესატის მიერ მისი მიღების შემდეგ.

15. გადასახადები და დაბეგვრა

15.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლებისა და სხვა გადასახადების გადახდაზე.

16. ხელშეკრულების მოქმედების ვადა

16.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2016 წლის 31 იანვრამდე.

17. სხვა პირობები

17.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3. მესამე პირთან ურთიერთობაში მხარეები მოქმედებენ თავიანთი სახელით, თანხებითა და რისკით.

17.4. ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

17.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17.6. მიმწოდებლის მიერ სისტემის მეშვეობით წარმოდგენილი ფაქტების ცხრილი თან ერთვის ხელშეკრულებას და წარმოადგენს მის განუყოფელ ნაწილს.

18. მხარეთა რეკვიზიტები

„შემსყიდველი“

„მიმწოდებელი“

3. დამატებითი ინფორმაცია

3.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. გორი ჭავჭავაძის ქ. №53, საკონტაქტო პირი: ლია აბისონაშვილი ტელ: 577 151 224

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

(თანამდებობა, სახელი, გვარი)

(ხელმოწერა)

ფასების ცხრილი

ტენდერის დასახელება _____

ტექნიკის დასახელება	მომსახურების დასახელება	გასაწევი მომსახურების რაოდენობა	მომსახურების ღირებულება	მიწოდების ვადა	მიწოდების ადგილი	შენიშვნა
				2015 წლის 31 დეკემბრის ჩათვლით	ქ. გორი ჭავჭავაძის ქ.№53	

პრეტენდენტის დასახელება _____

აპარატურის შეკეთებასა და ტექნიკური მომსახურების შესყიდვის ტექნიკური პარამეტრები

№	ტექნიკის დასახელება და მოდელი	სავარაუდო დაზიანებები	გასაწევი მომსახურების სავარაუდო რაოდენობა
1	პრინტერი HP LaserJet 1010/P1005/1020/1006 P1505/1018 CANON LBP2900	ტექნიკური დათვალიერება და გაწმენდა	<i>მომსახურების გაწევის რაოდენობა განისაზღვრება საჭიროებისამებრ, 2015 წლის განმავლობაში, შემსყიდველის მოთხოვნის შესაბამისად</i>
		თერმოფირის გამოცვლა	
		მექანიკური კვანძების შეკეთება	
		ლაზერის გაწმენდა/შეკეთება	
		ღუმელის ქვედა ლილვის შეცვლა (<i>Lower pressure roller</i>)	
		თერმო ელემენტის შეცვლა (<i>Heater element</i>)	
2	კომბაინი CANON MF4018/MF4410	ტექნიკური დათვალიერება და გაწმენდა	
		თერმოფირის გამოცვლა	
		მექანიკური კვანძების შეკეთება	
		ლაზერის გაწმენდა/შეკეთება	
		ღუმელის ქვედა ლილვის შეცვლა (<i>Lower pressure roller</i>)	
		თერმო ელემენტის შეცვლა (<i>Heater element</i>)	
3	კომბაინი CANON IR2016/2520	ტექნიკური დათვალიერება და გაწმენდა	
		თერმოფირის გამოცვლა	
		მექანიკური კვანძების შეკეთება	
		ლაზერის გაწმენდა/შეკეთება	
		თერმო ელემენტის შეცვლა (<i>Heater element</i>)	
		დოლის გამოცვლა	
		დოლის დანის (რაკელის) გამოცვლა	
4	სხვა და სხვა ბრენდის პროცესორული ბლოკები	მყარი დისკის შეცვლა	
		ოპერატიული მეხსიერების შეცვლა	
		გამაგრილებლის შეცვლა	
		კვების ბლოკის შეცვლა	
		დედა პლატის გარემონტება და შეცვლა	
		პროცესორის შეცვლა	
5	სხვა და სხვა ბრენდის პორტატიული კომპიუტერები (ნოუთბუკები)	მყარი დისკის შეცვლა	
		ოპერატიული მეხსიერების შეცვლა	
		გამაგრილებლის გაწმენდა და შეცვლა, თერმოპასტის შეცვლა	
		კვების ბლოკის შეკეთება და გამოცვლა	

კარტრიჯების აღდგენის მომსახურების შესყიდვის ტექნიკური პარამეტრები

№	კარტრიჯის დასახელება	მომსახურების დასახელება	გასაწევი მომსახურების სავარაუდო რაოდენობა
1	CB436A CB435A CE285A Canon 728	დატუმბვა	240
		დოლის გამოცვლა	60
2	Q2612A FX-10	დატუმბვა	72
		დოლის გამოცვლა	18
3	EP-27	დატუმბვა	12
		დოლის გამოცვლა	3
4	CEXV-14 CEXV-33	დატუმბვა	20
5	HP Deskjet 4615	დატუმბვა	4
6	Phaser 3010	დატუმბვა + ჩიპის გამოცვლა	3
7	CE310	დატუმბვა + ჩიპის გამოცვლა	2
	CE311	დატუმბვა + ჩიპის გამოცვლა	2
	CE312	დატუმბვა + ჩიპის გამოცვლა	2
	CE313	დატუმბვა + ჩიპის გამოცვლა	2

აფიდავიტი -სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

*მატერიალური გამორჩენის ან უპირატესობის მიღების მიზნით პრეტენდენტსადა კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადებების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისათვის თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობა ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.